

Killiffik - Utoqqarnut inunnullu innarluutilinnut immikkoortortaq

Pikkorissarnerit ilinniarnertu

- Tapersersuisut ilinniarneq (RKV): Ikinnerpaamik aqqaneq-marlunnik taakkunanga nunaqarfinnit peqataasussat marluk nalunaarnissaat naatsorsuutigaarput. Ilinniarneq ukiup ingerlanerani tallimariarluni atuagarsoriartorfiusarluni Nuummi 2026-mi aggustimi aallartinneqassasoq naatsorsuutigineqarpoq.
- Peqqissaanermi ikiortitut ilinniarneq (RKV): Maannakkut sulisut marluk ilinniarnermik ingerlatsipput - Maniitsumiit ataaseq taavalu Sisimiuni angerlarsimaffimmi ikiorteqarfimmiit ataaseq. Ilinniarneq januaarimut naammassineqartussanngorlugu 2026-mi januaarimi aallartinneqarpoq. Ukiup tulliani 2027-mi januaarimi aallartittusamut ilinniarusuttunik nutaanik nalunaartoqarnissaa naatsorsuutigineqarpoq, ilinniarusuttut ukiup kingornata ingerlanerani nassaarineqassapput.
- Taakku saniatigut Pisormit suleqataasut marluk SPS Ilulissat suleqatigalugu Isumaginninnermi ikiortitut ilinniarnermik ingerlatsipput. Ingerlatsineri 2027-mi naammassineqassasut naatsorsuutigineqarpoq.
- 2026-mi aggustimi/septembarimi aallartinneqartussatut naatsorsuutigalugu Sisimiuni Ulluunerani meeqqanik sullissinnermi ikiortinngorniarnermut nalunaartoqarsinnaaneranut periarfissaqarnerisooq massakkut misissorparput. Sullinniakkat tassaanerussasut immikkoortortaarfitsinnit meeqqanut tapersersortaanissaat naatsorsuutigineqarpoq.
- Sullissisut marluk Siunnersuinnermi ikiortitut ilinniartutik ilinniarnermik ingerlataqarput - Maniitsumiit ataaseq taavalu Sisimiuniit ataaseq.

Allaffissorneq

- Utoqqaat angalanerat 2026: Sisimiuniit utoqqaat angalanissaasa pilersaarusiorneqarnerat ingerlavoq. Aqqaneq-marlunnik peqataasoqarluni marlunnillu ingiallorteqarluni 2026-mi oktobarip aappaanni aallarnissaaq naatsorsuutigineqarpoq. Angalanissamut neqeroorutip tamakkiisup tiguneqarnissaa akuerineqarnissaanullu uppersaarnissaaq utaqqineqarpoq.
- Maniitsumiit utoqqaat angalanerat: Mallorca-mukarluni angalaneq 2026-mi maajip 21-anniit juunip aallaqqaataata tungaanut ingerlanneqarpoq. Utoqqaat katillugit aqqaneq-marluk ingiallortillu marluk peqataapput.

Utoqqaat illui

- Timimik sungiusaanermut atorfik kommunimit avitseqatigiissutigineqartoq Utoqqaat angerlarsimaffiani Qupanummi maannakkut inissisimavoq ilutigitillugulu Utoqqarnut Inunnullu innarluutilinnut immikkoortortap iluani arlalinnik sullitaqarlutik.
- Filippinerit tallimat Maniitsumi Utoqqaat angerlarsimaffiani 2025-mi apriliimi atorfinitsinneqarput. Sulisoqarnermut immikkoortortaq suleqatigalugu Maniitsumi Utoqqaat illuanni filippinerit atorfinitsitsillunaaqqiineq naliliiffineqarnissaa ingerlanneqassaaq. Naliliineq isumaqatigiissutinik sivitsuisinnaanermut atorunnaarsitsisinnaanermulluunniit aalajangiinissamut tunngaviliissaaq. Aalajangiineq kingusinnerpaamik 2026-mi oktobarip qiteqqunnerani pissaaq, taamaalilluni isumaqatigiissutit 2027-miit sivitsorneqanngikkunik atorunnaarsinneqassapput.

Angerlarsimaffimmi ikiorteqarneq

- Eqaatsumik ulloq unnuarlu angerlarsimaffimmi ikiorteqartinneqarsinaaneq pillugu neqeroorummik ineriartortitseqqinneq 2026-mi ukiakkut eqqartorneqassaaq. Neqeroorut iluarsissuteqarsinnaanera siunertaralugu nalilersorneqassaaq suliniutillu nutaat siusinnerpaamik 2027-miit atuutilersinneqassaput.
- Sulisussanik sulilersitsiniaaneq suli unamminartoqarmat nunaqarfinni angerlarsimaffinni ikiorteqartitsisarnermik neqeroorutit misissuiffigineqarput. Aalajaatsumik atuilluartsuutillu aqqiissutissamik qulakkeerinissaq siunertaralugu kommunip suliffeqarfiutaanik pioreersuni namminersortunilluunniit suleqateqarsinnaanermut periarfissanik misissuisoqassaaq.

Pisoq

Pisormi qaammatini pingasunik sivissuseqartumik sulisunut sulinissamut pilersaarutit nutaat misilinneqarput. Misiliineq sapaatip akunnerani 30-mi naliliiffigineqassaaq.

Maniitsumi sulisunut sulinissanut pilersaarutit nutaanik atuutilersitsinnaanermut isummertoqartinnagu Sisimiuniit nalilersuinissaq utaqqimaarneqarpoq.

Innarluutilinnut sannavinnik suleqateqarluni innuttaasunut utoqqarnut sammisassanut neqeroorutit nutaanik pilersitsisoqarpoq. Neqeroorut periarfissaassaaq innersuuffiusinnaaq nutaaq, tassani sullissit innuttaasut attuumassuteqartut innersuussinnaallugit. Neqeroorut kommunip nittartagaani aamma facebook-ikkut quppernerani saqqummiunneqassaaq.

Najugaqatigiiffiit

Sisimiuni najugaqatigiiffiit ikinnerusunngorlugit aammali ininut naapertuunnerusunut katersornissaat sulissutigineqarpoq. Taassunga Paamaap Kuua 9-mik naammassinninnissaq utaqqineqarpoq, tamatuma kingorna najugaqatigiiffiit Paamaap Kuuanut Aqqartarfimmullu ataatsimoortinneqassaput. Ilutigitillugu anguniagaavoq, Umiivitsiami najugaqatigiiffiit marluusut matuneqarsinnaanerat. Angerlarsimaffimmi ikiorteqartitsineq

Killiffik - Stabi

Pikkorissarnerit / ilinniarnert

Ilaqutariinnut siunnersortinnagorniarluni (Familiekonsulent) ilinniarneq 2025-mi novembarimi aallartippoq aammalu 2026-mi septembarimi tungaanut moduli kingulleq ingerlanneqassalluni. Ilaqutariinnut siunnersortit ilinniarneq pingaartumik assigiinngitsorpasuartigut assigiinngitsunillu isikkulinnik takussutissaqarfiusinaasartutut meeqqanut, inuusuttunut ilaqutariinnullu ajornakusoortitsinermik eqqugaasimasunut suliniutit nukittorsarneqarnissaat eqqarsaatigalugit anguniagaqarfiuvoq. Ilisimasat piginnaasallu atuagarsornikkut suliaqarnikkullu timitalerneqarsinnaasuupput. Allat qanoq misiginerannik takorluuisinnaaneq, attuumassuteqarnermut ilisimasat aamma oqaluttuamik isiginninneq atuagarsornermi tunngaviupput. Maniitsumi sullissisoq ataaseq Sisimiunilu sullissit marluk tamarnik Ikiorissarfinimeersut ilinniarnermut peqataapput.

Maannakkut Sisimiuni utoqqarnut inunnnullu innarluutilinnut immikkoortortaarfimmit ataaseq aamma Maniitsumit ataaseq Ilulissani Siunnersuinermit ikiortitut ilinniarfimmi ilinniarput, kiisalu Meeqqanut Ilaqutariinnnullu immikkoortortamit ataaseq Inulerinermi siunnersortitut ilinniarpoq, aamma Ilulissani ingerlanneqartuusumik.

Allaffeqarfimmiit

Sisimiuni Stabimi ikiorsiisarnermut immikkoortortami atorfik ataaseq suli inuttalinngilarput, sulisussarsiorluni saqqummiisoqarnikuuvoq, taamaattorli sulisussaq eqqortoq pissarsiarinikuunngilarput. Maniitsumi Ikiorsiisarnermut immikkoortortami sullissisoq ataaseq juulip 15-ianni sulilissaaq. Maannakkut Sisimiuni Maniitsumilu allatseqarfimmi sulisut eqqarsaatigalugit tamakkeqqapput. Stabimi tullersorti utoqqalineq pissutigalgu 2026-mi juulip naanerani suliunnaassaaq. Tullersortimik 2026-mi aggustip aallaqqaataani sulilertussamik pissarsisoqarpoq.

Angerlarsimaffeqanngitsut unnuisarfiannit

Atugarissaarnermut ataatsimiititaliami malitsigisaanillu Aningaasaqarnermut ataatsimiititaliami akuersissuteqartoqarnerata kingorna Sisimiuni Angerlarsimaffeqanngitsunut unnuisarfimmi akunnermusiaqarluni sulisoq aqutsisumut allanngortinneqarpoq, malitsigisaanillu Sisimiuni Angerlarsimaffeqanngitsut unnuisarfianni aqutsisoq pillugu allaffeqarfik sulisusarsiornerani ataatsimik qinnuteqartoqarpoq atorfinitsinneqartumik.

Angerlarsimaffeqanngitsut unnuisarfianni atuisoq ataaseq aprilimi Angerlarsimaffeqanngitsut unnuisarfianni 2026 naanerata tungaanut unneqqusaajunnaartitaavoq, taanna Angerlarsimaffeqanngitsut unnuisarfianni atuisut sulisullu akornanni oqaasiinnartigut eqqissiviilliortitsisarmat.

Angerlarsimaffeqanngitsunut unnuisarfik maannakut Tuapannguani A/S INI errorsisarfikumut nuunnissaa akuersissutigineqarpoq. Allanngortiterineq naammassineqarpat illulu nuuffigineqarnissaanut piareerpat Angerlarsimaffeqanngitsunut unnuisarfik Umiivitsiaq 54-miit illumut tassunga nuussaaq. Maannakkut Angerlarsimaffeqanngitsunut unnuisarfiup inissisimanera illuutinik oqartussaasoqarfimmit akuerineqanngimmat pisariaqartinneqartorujussuuvoq.

Killffik - Meeqqanut Ilaqutariillu

Ilaqutariinnut inerisaavinniit:

Ilaqutariinnut inerisaavik pillugu paasissutissanik imalik quppersagaq maajip naanerani saqqummersinneqarpoq. Innuttaasunut saqqummiunneqarnissaa sulisunnullu nassiuuanissaq pilersaarutaavoq.

Nalunaarut 24. jan. 2024-meersoq aallaavigalugut Ilaqutariinnut inerisaaviit maajip naanerani juunillu aallartinnerani Isumaginninnermut aqutsisoqarfimmiit tikeraarneqarput, tassani Maniitsumi Ilaqutariinnut inerisaavimmi aqutsisoq miljøarbejderilu kiisalu Sisimiuni Ilaqutariinnik inerisaavimmi aqutsisoq, ataqatigiissaarisooq, meeqqanut ilaqutariinnnullu fagcheffi peqataallutik.

Tikeraarnermik siunertaanikuusoq tassaani kuvoq, nuna tamakkerlugu ilaqutariinnut inerisaaviit workshoppertinneqarnerannut atatillugu Qeqqata Kommunia peqataalluni aammalu Nalunaarummik piviusunngortitsinissamut peqataalluarluni suliiisimerata aammalu sunik pilersaaruteqartoqarneris saqqummiunneqarnissaa, taamaalillutik kommunit allat suliarisimasamit isumassarsiorsinnaaniassammata.

Allaffeqarfimmiit

Ulluni 01.-04. juni ilaqutariit paarsisartunut tunngaviusumik pikkorissaaneq tassani ilaqutariit paarsisartut 15-it peqataallutikk.

Ilaqutariinnut siunersortitut ilinniarluni ilinniartunik:

Maniitsumiit Sisimiuniillu sulisut arfineq-pingasut Ilaqutariinnut siunersortitut ilinniartut modul 3-anut peqataanikuupput.

Modul 3 18.-21. maj ingerlanneqarpoq, tassani meeqqanut ilaqutariinnullu immikkoortortami immikkoortortami aqutsisoq aamma fagchef peqataallutik, aammattaaq sullissisut marluk peqaallutik.